

# Lo rendetz-vos mesadèr

N° 9



## Calendari de las animacions

- **12 de noveme** : Montmolós, sala de las Hèstas de 15 òras a 18 òras, bal gascon animat peus grops Balensoirs e V2V. Entrada non paganta.
- **25 de noveme** : Bernadets Dessus, sala de las Hèstas a comptar de 21 òras, bal gascon animat peu grop Milharis. Entrada : 8 €.
- **1<sup>er</sup> de deceme** : Burg, sala de las Hèstas a comptar de 20 òras 30, bal gascon animat peu grop Parpalhon entau Téléthon. Entrada : 8 €.

## Hestejada : Loto de sostier

Dissabte 4 de noveme  
Ibòs – Sala P. Comet a 20 òras 30

En sostier a l'organizacion de la Hestejada.

Que vs'i esperàm numerós.



## Parlem : concert de sostier

Dissabte 25 de noveme  
Julhan en çò de la Glèisa a 20 òras 30

Concert en sostier de l'associacion Parlem dab la participacion de las Daunas de Còr, Semiac en Bigòrra, Cracade e Cant'Astarac.

Entrada liura

Lo concert que serà seguit d'ua cantèra a la sala d'Activitat de Julhan.

Que vs'i esperàm numerós.



Association Parlem - 1 Carrèra deras Pireneas 65310 La Lobèra

05 62 53 28 86 – [parlem65@gmail.com](mailto:parlem65@gmail.com) - [www.parlem65.com](http://www.parlem65.com) - [facebook](https://www.facebook.com/association.parlem)

## Edicion

### **Novèlas deu Bearn de Marcel ABADIE**

Aquestas novèlas que son nomentadas « deu Bearn » pr'amor d'estar localizadas peus parçans de Somolon, Revenac, Pau. Per çò qui ei deu capdulh, qu'anaram deu costat deu bòsc Bastard aperat tanben lo bòsc de Pau e peu barri deu Hedàs, un quartièr de mau esvitar uei lo dia. Mes los lòcs causits ne son pas que pretèxtes, encàs tà descriver lo mauestar, lo sofriment deus personatges deus recits, neurosats per la màger part, sia pr'amor d'estar obsessionaus, marginaus, mauaimats deu pair o d'estar quasi despairats. Aquestas sheis novèlas que son tiradas e arreviradas per l'autor deu son libe publicat en francés a las edicions Gascogne d'Ortès, titolat « Nouvelles du Béarn et d'ailleurs ».


186 paginas – 13 €

Libe editat a las Edicions Per Noste. Entau comandar de seguir [lo ligam aqueth](#).



## Edicion

### **Rodeo Preïstoric de Aure SEGUIER**



Aure Séguier que nos perpausa un libe joenessa de sciéncia ficcion qui encantarà lo legidor e la legidora. Dinosaurès, ua halha espaciotemporal, la Societat deus Guardians Temporaus (SGT) e dus liceans que son los ingredients d'aquera istòria qui va a trucatambor.

Que començava la setmana dab duas òras de francés. La votz soporifica de Dauna Grandet n'ajudava pas tà's hicar au tribalh. Au cap d'un quart d'òra, Matèu qu'èra mieitat adromit. Qu'espia per la hrièsta dab uelhs entelats. Un triceratòps que passava dens la cort. (extrèit)

55 pajas – 7 €

Libe editat a las Edicions Reclams. Entau comandar de seguir [lo ligam aqueth](#).